

Умр дақиқалар йиғиндисидир

09:55 / 25.03.2017 3359

Агар биз азиз умримизни ташкил қиладиган дақиқалар ҳақида мuloхаза қилиб күрсак, уларнинг нақадар ғанимат лаҳзалар эканлиги кўз ўнгимиизда намоён бўлади:

1. Ўтиб кетган вақт ҳеч қачон қайтмайди ва унинг ўрнини ҳам тўлдириш мумкин бўлмайди. Зеро “Вақт қилич кабидир агар сен уни кесмаган бўлсанг у сени кесибди” дейилган. Яъни агар сен вақтни хайрли амаллар билан кесмаган бўлсанг у сени хорликлар ва зоеликлар билан кесиб қўйибди. Ҳасан Басрий айтадилар: бошланаётган бирор-бир кун йўқки шундай нидо қилмаса: “ Эй одам боласи, мен янги кунман, сенинг амалинга гувоҳман, мендан фойдаланиб қол, агар ўтиб кетсан қиёмат кунигача қаймайман”

2. Кунлар жуда тез ўтиб кетади. Бу эса инсоннинг дақиқа сайин ўткинчи дунёдан тезлик билан ўтиб кетаётганлигини англаатади.

Инсоннинг бошига иш тушган ғам ташвишли пайтларида кунлар секин ўтаётгандек туюлсада, аслида жуда тез суръатлар билан ўтаётган бўлади. Унинг жуда тез ўтиб кетаётганлиги инсоннинг касалликлардан ва ғам ташвишлардан холий, шоду хуррам пайтларида аниқ билиниб қолади. Шоир айтганидек:

Қисқа кунлар ғамгин пайтлар ўтмайди

Шодликларда узунлари етмайди

Охири замон яқин қолган пайтда вақтнинг жуда тез ўтиб кетиши ҳадиси шарифларда ҳам баён қилинган:

وعاـسـلـاـ مـوـقـتـ اـلـ مـلـسـ وـ هـيـلـعـ هـلـلـاـ ىـلـصـ هـلـلـاـ لـوـسـرـ لـاقـ :ـ لـاقـ كـلـامـ نـبـ سـنـأـ نـعـ
وعـمـجـلـاـ نـوـكـتـوـ وـعـمـجـلـاـكـ رـهـشـلـاـوـ رـهـشـلـاـكـ ـةـنـسـلـاـ نـوـكـتـفـ نـاـمـزـلـاـ بـرـاقـتـيـ ـىـتـحـ
نـنـسـ رـانـلـاـبـ ـمـرـضـلـاـكـ ـعـاـسـلـاـ نـوـكـتـوـ وـعـاـسـلـاـكـ مـوـيـلـاـ نـوـكـيـ وـمـوـيـلـاـكـ
ـىـذـمـرـتـلـاـ

Анас ибн Моликдан ривоят қилинади: Росулуллоҳ соллаллоҳу алайҳи вассаллам: Замон яқинлашмагунича қиёмат бўлмайди, йил ойдек бўлади, ой

ҳафтадек бўлади, ҳафта кундек бўлади, кун соатдек бўлади, соат тутатқи ёнгунчалик бўлиб қолади дедилар. “Сунани Термизий”да келган.

Бу ҳадиси шарифнинг шарҳида жумладан қўйдагилар айтилган: ҳадисдан ирода қилинган нарса шуки, бир вақтлар келиб ҳар бир нарсадан ҳатто замондан ҳам барака олиб қўйилади, бу қиёмат яқин қолганлигининг аломати бўлади.

З.Умр маълум вақтгача белгилаб берилган. Дунёга келган ҳар бир инсонга унинг бу дунёда туриш муддати белгиланган, ажал деб номланадиган ўша муддат келганида унга бўйсениб бу дунёни ташлаб кетишдан ўзга чораси қолмайди. У вақтнинг эса бугунми эртами қачон келиши инсонга номаълум. Ояти каримада айтилганки:

“Ажаллари келган вақтида бирор соатга кетга ҳам олдинга ҳам суро олмаслар” Аъроф сураси 34-оят

Ҳа, ажални ҳеч ким бирор соат ортга ҳам олдинга ҳам суро олмайди. Ўтаётган ҳар бир дақиқа, ҳар бир соат у келиши мумкин бўлган вақтдир. Ўтиб кетган кунлар эса унинг яқин қолганлигидан даракдир. Шунинг учун ўтаётган ҳар бир кун амал қилиб қолишга ва озгина умрнинг фурсатларини ғанимат билишга ундан гўё шундай нидо қиласди: “ Эй одам боласи сен кунлардан иборатсан ҳар бир кун ўтганда сенинг ҳам бир қисминг кетган бўлади. Ўзинг билмаган ҳолатда сенинг бир қисмининг ўтиб кетибдими, демак бутунлай кетишинга ҳам фурсат оз қолибди. Билгилки “Бугун амал бор ҳисоб йўқ, эртага ҳисоб бор амал йўқдир.”

4. Вақт бу инсон эга бўлган энг нафис, энг бебаҳо нарсадир. Бу “Вақт олтиндек қимматлидир” дегани эмас, балки “Вақт олтиндан қимматлидир” деганидир. Чунки вақт бу ҳаётдир, ҳаётнинг эса олтиндан қимматли эканлиги ҳеч кимга сир эмас. Қолаверса йўқотилган олтину бойликларни яна қайта қўлга киритиш мумкин, йўқотилган вақтни эса асло қайта қўлга киритиб бўлмайди. Чунки вақт сотиб олса бўладиган нарса эмас балки инсонга фақат бир марта бериладиган имкониятдир. Али Тантовий айтадилар: бир куни шайх Жамол Қосимий кераксиз нарсалар билан вақтларини зое қилаётган йигитларнинг ёnlаридан ўтаётиб афсус билан: Эҳ қани энди вақт сотилганида албатта шуларнинг вақтларини сотиб олган бўлардим деб айтган эканлар.

5. Энг бебаҳо неъматнинг қадрига етмайдиганлар кўпчиликни ташкил этадилар. Вақт шунчалик қиммат ва бебаҳо бўлишига қарамасдан кўпчилик инсонлар унинг бу қийматини ҳис этмайдилар, улар бу онгиззиклари натижасида ундан фойдаланиб қолиш учун эмас балки уни зое қилиб йўқотиш учун мусобақалашадилар. Бундай “мусобақачилар” унинг бебаҳо улушидан маҳрум инсонлардир. Бу ҳақда ҳадиси шарифда қуйдагича баён қилинган:

نُمْ رِيْثَكَ آمُهٰ يِفْ نُوْبَعْمَنْ آتَمْعَنْ ۝ يِبَّنْ لَأَقَلَّ أَقَلَّ عُمُّنَبْ ۝ عَرَفْلَأَوْ ۝ حَصْلَسَانَلَا

ىرلاخْبَلْأَوْر

“Ибн Аббос розияллоҳу анҳумодан ривоят қилинади: Набий соллаллоҳу алайҳи васаллам дедилар: Икки неъмат борки кўп инсонлар улардан маҳрумдирлар. (Улар) Соғломлик ва бўш вақтдир.” Бухорий ривояти

Бу ҳадиснинг шарҳида қуйдагилар айтилган: Инсон гоҳида соғлом бўлсада, оғир меҳнат билан банд бўлганлиги сабабли фазилатли амалларни ўзлаштириш учун фурсат топа олмайди. Гоҳида эса оғир меҳнатлардан фориғ бўлсада унинг соғлиги йўқ бўлади. Агар иккаласи ҳам бир инсонда жам бўлса-ю, бироқ ўша инсон вақтни ғанимат билиб фазилатларга эришиб қолишга ҳаракат қилмасдан дангасалик қиласиган бўлса унинг ана шу дангасалиги улардаги улушдан маҳрумлиkdir. Зеро ушбу дунёдаги ҳар хил тўсиқларга тўла ва унинг устига қисқа умрдан имкон қадар фойдаланиб қолмасдан беҳуда ўтказиб юборишлик энг қимматли улушдан бенасиб қолишлиkdir.

Абдулқодир Пардаев